

COLOSENSES

Pablo Colosas marãrẽ õãdoredea

¹ Yũ Pablo, marĩyagũ Timoteo merã musãrẽ õãdoredea. Marĩpũ gããmederosũta Jesucristo yũre ãgũyare buedoregũ pími. ² Irasirigũ musãrẽ Colosas marãrẽ Marĩpũyarãrẽ Jesúre gũñaturari merã bũremurãrẽ gojáa. Marĩpũ ããrĩnĩgũ musãrẽ iritamu, siuñajãrĩ merã ããrĩrikũmakũ iriburo.

Pablo Jesúre bũremurãya ããrĩburire Marĩpũre sãrẽbosadea

³ Marĩpũre marĩ Opũ Jesucristo Pagũre musãya ããrĩburire sãrẽbosarikũ usũyari sĩa. ⁴ Gũa, musã Jesucristore bũremurĩ kerere, gajerãrẽ Marĩpũyarãrẽ ããrĩpererãrẽ maĩrĩ kerere pébũ. ⁵ Iripoegue musã Jesucristo masakare tauri kerere õãrõ péduripĩbũ. I diayema kerere pérã: “Marĩpũ Jesucristo merã marĩrẽ taugũkumi. Marĩrẽ taugũ, ãmũgasigue ãgũ merã õãrõ ããrĩmakũ irigũkumi”, ãrĩ masĩbũ. Irasirirã Jesúre bũremurã, gajerãrẽ Marĩpũyarãrẽ maĩa. ⁶ ããrĩpererogue Jesúya kerere weremakũ pérã, gajerãde musã iriderosũta Jesúre bũremunũgãma. Irasirirã ãgũyare irinũgãma. Musã iri kerere pépũrorirãgueta: “Marĩpũ marĩrẽ maĩsĩa, Jesús merã marĩrẽ taugũkumi”, ãrĩ masĩbũ. Irasirirã: “Iri kere diayeta ããrã”, ãrĩ masĩa. ⁷ Gũa maĩgũ Epafras musãrẽ iri kerere weremi. ãgũ, gũare moãtamugũ, Cristore moãboegũ, ãgũyamarẽ musãrẽ weregũ ããrĩmi. Iri moãrĩrẽ neõ piribemi. ⁸ ãgũta gũare musã gajerã Jesúyarãrẽ

Õãgũ deyomarĩgũ iritamurĩ merã maĩrĩ kerere weremi.

⁹ Irasirirã Epafras musãya kerere guare weredeanũ merãta Marĩpũre musãya ããrĩburire sërëbosanerã, inuguedere ãsũ ãrĩ sërëbosaníkõãa: “Guapũ, ĩgũsãrẽ Õãgũ deyomarĩgũ mu gããmerĩrẽ masĩpeomakũ iriburo, mũyare pẽmasĩpeomakũ iriburo”, ãrĩ sërëbosãa. ¹⁰ Marĩpũre musã marĩ Opũ Cristoyarã ããrĩsĩã, ĩgũ gããmerõsũta õãrõ irinĩburire sërëbosãa. ĩgũ gããmerĩrẽ irirã, õãrĩ direta irirãkoa. Marĩpũre masĩnemorãkoa. Musã irasirimakũ ĩãgũ, usũyagũkumi. ¹¹ Marĩpũre turatarĩgũre ĩgũ turari merã musã õãrõ yũjũpũrãkũturarã ããrĩburidere sërëbosãa. Irasirirã, ñerõ tarikererã, ããrĩpereri musãrẽ waaburire gũñaturari merã, usũyari merã ããrĩrikũrãkoa. ¹² Marĩpũ marĩrẽ ĩgũyarã ããrĩmakũ iridi ããrĩmĩ. Irasirĩgũ ĩgũyarãrẽ: “Yũ gosewasiriri ããrĩrõgũre ãsũ sĩgũra”, ãrĩdeare marĩrẽ opamurã ããrĩmakũ iridi ããrĩmĩ. Irasirirã, musã Marĩpũre: “Mu guare irasiriburi, õãtaria”, ãrĩ, usũyari sĩburidere ĩgũrẽ sërẽa. ¹³ ĩgũta marĩrẽ naĩtĩãrõgũre ããrĩrã irirosũ ããrĩnerãrẽ taudi ããrĩmĩ, wãtĩ doresũnerã ããrĩnemobirikõãburo, ãrĩgũ. ĩgũ magũrẽ ĩgũ maĩgũrẽ marĩ Opũ ããrĩburo, ãrĩgũ, irasiridi ããrĩmĩ. ¹⁴ ĩgũ magũ boari merã marĩ ñerõ iridea wajare taudi ããrĩmĩ. Irasirĩgũ marĩ ñerĩ irideare kãtidi ããrĩmĩ.

Cristo boagũ, marĩrẽ Marĩpũ merã siuñajãrĩ bokamakũ iridea

¹⁵ Marĩpũre ĩãña mãa. Cristo ĩgũ magũ, ĩgũ Pagũ ããrĩrikũrĩre ĩmudi ããrĩmĩ masakare. ĩgũ magũ ããrĩpererã dupuyuro, ããrĩpereri dupuyuro

ããrĩsiadi ããrĩmĩ. Irasirigũ ããrĩpererã Marĩpũ
irinerã nemorõ Opũ ããrĩmĩ. ¹⁶ Cristo merã
Marĩpũ ããrĩpererã ãmũgasigue, i nikũgue ããrĩrã,
marĩ ĩãrãrẽ, marĩ ĩãmerãdere iridi ããrĩmĩ. Gaji
marĩ ĩãrĩrẽ, marĩ ĩãbiridere iridi ããrĩmĩ. Oparãrẽ,
dorerãrẽ, turarãrẽ, ãmũgasigue ããrĩrãrẽ, i nikũgue
ããrĩrãdere ããrĩpererãrẽ iridi ããrĩmĩ. Irasiriro
ããrĩpererã, ããrĩpereri ĩgũ iridea ããrã. Irire irigũ:
“Yũ magũya ããrã”, ãrĩdi ããrĩmĩ. ¹⁷ Cristo ããrĩpererã,
ããrĩpereri dupuyuro ããrĩsiadi ããrĩmĩ. Irasirigũ ĩgũ
turari merã ããrĩpererãrẽ, ããrĩpereridere i ãmũguere
ĩgũ gããmerõsũta keoro ããrĩmakũ irinĩmĩ. ¹⁸ Marĩ
ĩgũrẽ bũremurĩ bumarã, ĩgũyarã ããrĩsĩã, ĩgũya
dupũ irirosũ ããrã. Irasirigũ marĩ dipuru, marĩ
Opũ ããrĩmĩ. ĩgũ boadero pũrũ, marĩ ããrĩpererã
dupuyuro ãmũgasigue masã mũrĩapũroridi ããrĩmĩ
ããrĩpererire, ããrĩpererãrẽ dorebu. ¹⁹ Marĩpũ ĩgũ
gããmederosũta ĩgũrẽ ãsũ ãrĩdi ããrĩmĩ: “Yũ magũ, yũ
irirosũta ããrĩburo”, ãrĩdi ããrĩmĩ. Irasirigũ Cristo
ããrĩpereri Marĩpũ ããrĩrikũrere opami. ²⁰ Marĩpũ
ããrĩpereri i ãmũmarẽ, ããrĩpererã i ãmũgue
ããrĩrãdere ĩgũ merã õãrõ ããrĩmakũ gããmegũ,
Cristore iriudi ããrĩmĩ. ĩgũ gããmederosũta Cristo
curusague boagũ dí béori merã ãmũgasi marãrẽ,
i nikũ marãdere: “Yũ merã õãrõ ããrĩburo”, ãrĩgũ,
irasiridi ããrĩmĩ.

²¹ Iripoegue mũsãde ñerĩrẽ iririkũsĩã, Marĩpũ
merã õãrõ ããrĩbiri, ĩgũrẽ ĩãturi, ñerõ gũñãunanerã
ããrĩbũ. ²² Mũsã irasũ ããrĩkererũrũ, Marĩpũ, Cristo
boadea merã mũsarẽ ĩgũ merã õãrõ ããrĩmakũ iridi
ããrĩmĩ. Cristo, marĩ irirosũ dupũkũgũ ñerõ tari,
boadi ããrĩmĩ. Irasirigũ Cristo boadea merã Marĩpũ

musārē ĩgũ pũroque ĩgũyarã õãrã, waja opamerã ããrĩburire ãmudi ããrĩmĩ. ²³ Musã piriro marĩrõ gũñaturari merã Cristore bũremumakũ, ĩgũ musārē tauri kerere kãtibirimakũ, Marĩpũ musārē ĩgũ pũroque ĩgũ merã ããrĩmakũ irigũkumi. Iri kerere musã pédeare ããrĩperero i ãmũ marã pépereakõãma. Yũ Pablode iri kerere weretamugãta ããrã.

Marĩpũ Pablode Jesũre bũremurãrē iritamudore-dea

²⁴ Cristo marĩ ĩgũyarã ããrĩburire curusague boagũ, bũro ñerõ taridi ããrĩmĩ. Marĩ Cristore bũremurĩ bumarã, ĩgũyarãta ããrĩsĩã, ĩgũya dupũ irirosũ ããrã. Irasirirã ĩgũyarã ããrĩrĩ waja ñerõ taria. Marĩ ñerõ tariburo dũyãa dapa. Irasirigũ yude ĩgũrē bũremurãrē iritamudũagu, ñerõ taria. Ñerõ tarikeregũ, hũyãa. Pũrũgue marĩ ñerõ tariri pererokoa. ²⁵ Marĩpũ yũre Jesũre bũremurãrē iritamubure, musãya ããrĩburire ĩgũya kerere musārē werepeobure pími. ²⁶ Iripoeguere wãri buri marãrē iri kerere masĩpeomakũ iribiriunadi ããrĩmĩ. Dapora marãrē ĩgũyarãrē irire õãrõ masĩpeomakũ yãmi. ²⁷ Irasirigũ iri kerere iripoegue marã masĩbirideare musã judío masaka ããrĩmerãdere masĩmakũ gããmemi. Iri kere ãsũ ãrã: “Cristo ĩgũyarãguere ããrĩmĩ. Irasirirã ãmũgasigue ĩgũ õãtariro ããrĩrõgue ĩgũ merã ããrĩrãkuma”.

²⁸ Gũa Cristoyamarẽta werea. ããrĩpererãrē ĩgũyare pẽmasĩdorerã, ããrĩpereri Marĩpũ guare masĩrĩ sĩrĩ merã buea. ĩgũ gããmerõsũta iridorerã, ĩgũ merã õãrõ ããrĩburo, ãrĩrã, werea. ²⁹ Irita ããrã yũ moãrĩ. Cristo turari sĩdero bokatĩũrõ masakare ĩgũyare bue, ĩgũsãya ããrĩburire Marĩpũre sẽrẽbosãa.

2

¹ Ire m̄sã masĩmakũ gããmea. M̄sãya ããrĩburire, Laodicea marãya ããrĩburire, ããrĩpererã yure ããmerãya ããrĩburidere b̄ro gũña, Marĩpure s̄r̄ebosãa. ² ãsũ ãrĩ s̄r̄ea Marĩpure: “Гару, ãgũsãr̄e òãr̄o ȳj̄p̄ũr̄ãkumakũ irika! Òãr̄o gãme maĩrĩ merã ããrĩrikumakũ irika! ãgũsãr̄e m̄ magũyamar̄e òãr̄o p̄emasĩmakũ irika! M̄ magũyamar̄e p̄emasĩrã, gũñaturari merã ããrĩrikur̄akuma. Iripoegue marã masĩbirideare òãr̄o masĩr̄akuma”, ãrĩ s̄r̄ebosãa. ³ Cristo dita ããrĩpererire òãr̄o masĩgũ, òãr̄o p̄emasĩgũ ããrĩmi. ãgũ dita marĩr̄e ãgũyamar̄e masĩmakũ irigũ ããrĩmi. Irire masĩrã, òãtaririre masĩa. ⁴ Gajerã m̄sãr̄e òãr̄o p̄esuyuri werenĩrĩ merã ãrĩgatobokuma, ãrĩgũ, irire werea. ⁵ Ȳ m̄sã watopegue ããrĩbirikeregũ, m̄sã merã ããrĩgũ irirosũ p̄eñaãa. M̄sãr̄e b̄ro gũñaãa. M̄sã Cristore gũñaturari merã òãr̄o b̄remurĩr̄e m̄sã òãr̄o ããrĩrikurire p̄egũ, usuyãa.

⁶ Irasirirã marĩ Op̄u Jesucristore b̄remurã ãgũr̄e m̄sã b̄remun̄gãderosũta: “Ȳre iritamugũkumi”, ãrĩ b̄remunĩ, ãm̄urikũ ãgũ merã òãr̄o ããrĩnikõãka! ⁷ ãgũr̄e òãr̄o masĩrã, ãgũyare irirã ããrĩka! Gajerã m̄sãr̄e buederosũta piriro marĩr̄o gũñaturari merã ãgũr̄e b̄remunemoka! ãm̄urikũ Marĩpure: “Õãa”, ãrĩ, usuyari sĩka!

Jesúre b̄remurã Marĩp̄u merã òãr̄o ããrĩr̄imar̄e gojadea

⁸ Òãr̄o p̄emasĩka! Masaka ãgũsã gããmer̄o buerire, ãgũsã ãrĩgatorire p̄ebirikõãka! ãgũsã iripoegue marã ããrĩrikudeare, ãgũsã basi i ãm̄umar̄e ãgũsã

gũñarĩrẽ buema. Gajerãrẽ Jesucristoyare buerã meta ããrĩma. Ĩgũsã Ĩgũyare pirimakũ iridũarã, irasũ buema. ⁹ Cristo, marĩ irirosũ dupakũgũ ããrĩgũ ããrĩpereri Marĩpũ ããrĩrikũrire opagũ ããrĩmi. ¹⁰ Musã Cristoyarã ããrĩmakũ, Marĩpũ musãrẽ Ĩgũ irirosũ õãrã ããrĩmakũ yãmi. Cristota ãmũgasi marã, i nikũ marã, deyorã, deyomarĩrã ããrĩpererã oparã nemorõ Opũ ããrĩmi. Irasirirã ãrĩgatori merã buerãrẽ pébirikõãka!

¹¹ Cristoyarã ããrĩsĩã, dupũma gasirogãrẽ wiirisũbirikererã, wiirinerã irirosũ ããrã. Masaka musãrẽ irasũ ããrĩmakũ iribirima. Marĩpũ gapũ musã Cristoyarã ããrĩmakũ, musãrẽ Ĩgũ merã taudi ããrĩmĩ, musã ñerĩ ãaribejarire piriburo, ãrĩgũ. ¹² Musã Cristoyarã ããrĩsĩã, deko merã wãiyesũrã, Cristo boa, yãasũderosũta musãde Ĩgũ merã boa, yãasũnerã irirosũ waabũ. Boanerã ñerĩrẽ neõ irinemomasĩbema. Irasirirã musã wãiyesũrã, musã iripoegue ñerõ iriunadeare piririre ĩmurã iribũ. Musã irasũ wãiyesũmakũ, Marĩpũ Cristo boadiguere masũderosũta musãdere Ĩgũ merã masũnerã irirosũ ããrĩmakũ iridi ããrĩmĩ. “Marĩpũ Ĩgũ turari merã Cristore masũdi ããrĩmĩ”, ãrĩ bũremumakũ, musãrẽ irasiridi ããrĩmĩ õãrĩ gapũre iriburo, ãrĩgũ. ¹³ Iripoeguere musã ñerõ iridea waja peamegue waabonerã ããrĩnerã ããrĩbũ. Marĩpũyarã ããrĩbirisĩã, irasũ ããrĩnerã ããrĩbũ. Ĩgũ dorerire opabirisĩã, irire iribirinerã ããrĩbũ. Daporare pama Marĩpũ marĩrẽ Ĩgũ merã irasũ õãrõ ããrĩnĩmurã ããrĩmakũ yãmi. Cristo boadea merã irasũ yãmi. Ĩgũ boadea merãta ããrĩpereri marĩ ñerĩ irideare kãtidi ããrĩmĩ. ¹⁴ Iripoegue Marĩpũ

Īgũ dorerire marĩrẽ: “Āsũ irika!” ārĩ pídi āārĩmĩ. Marĩ iri dorerire tarinũgãnerã āārĩkererũ, Cristo curusague boadea merã marĩ ñerĩ iridea wajare kãtipeokõadi āārĩmĩ. ¹⁵ Irasũ āārĩmakũ, Cristo curusague boari merã wãtẽa oparãrẽ, Īgũsãrẽ dorerã turarãrẽ tarinũgãkõadi āārĩmĩ. Irasirigũ Īgũ Īgũsãrẽ tarinũgãdeare gajerãrẽ masĩmakũ iridi āārĩmĩ.

Ūmũgasimarẽ, Marĩpũyare iritũyaka! ārĩ gojadea

¹⁶ Irasirirã gajerã mũsãrẽ doredũarã: “Irire baarã, irire iirirã ñerĩrẽ irirã yãa”, ārĩ werewũamakũ irasũ pẽkõãka! Bojorikũ, abe deyoanarikũ, semanarikũ bosenuĩ āārĩrĩnũrĩrẽ Īgũsã judío masaka irirosũ mũsã iridũabirimakũ werewũaridere irasũ pẽkõãka! ¹⁷ Iripoegue Marĩpũ marĩrẽ Īgũ dorerire pídi āārĩmĩ, Īgũ marĩrẽ Cristo merã iritamuburire pẽmasĩburo, ārĩgũ. Daporare Cristo iri dorerire iripeogu ejadigue āārĩmĩ marĩ ñerõ iridea wajare taubu. ¹⁸ Īgũsã mũsãrẽ doredũarã: “Gajerã nemorõ āārã”, ārĩ gũñakererã, masaka pẽurogue: “Gajerã nemorõ āārĩbea”, ārĩ weregorenama. Marĩpũre wereboerãrẽ bũremurã, Īgũsãrẽ: “Iritamuka guare!” ārĩ sërẽma. “Kẽrõ irirosũ Marĩpũ guare ĩmudeare ĩãbũ”, ārĩmoãmarã: “Masĩtarinũgãrã āārã”, ārĩ gũñadima. Īgũsã basi gũñarõsũ yãma. Irasirirã mũsãrẽ: “Gũa irirosũ iribirimakũ, diayemarẽ iribeaa”, ārĩ werewũamakũ irasũ pẽkõãka! ¹⁹ Īgũsã Cristore bũremubema. Marĩ gapũ Īgũrẽ bũremurĩ bumarã, Īgũyarã āārĩsĩã, Īgũya dupũ irirosũ āārã. Īgũta marĩrẽ doregũ, marĩ

dipuru ããrĩmi. Irasirigu, Marĩpu gããmerõsũta marĩrẽ ĩgũya dupu irirosũ ããrĩrãrẽ gãme iritamu, ĩgũrẽ bũremunemomakũ yámi.

²⁰ Mũsã, Cristo boaderosũta ĩgũ merã boanerã irirosũ waanerã ããrĩsã, mũsãrẽ doredũarã i ãmũmarẽ ĩgũsã gũñarõsũ buerire bũremubirikõãka! Mũsã ñerõ iririre pirikererã, Cristoya buerire bũremukererã, ¿nasirirã ĩgũsã dorerire iridũari dapa? ²¹ ĩgũsã gããmerõsũ ãsũ ãrĩ buema: “Irinorẽ baabirikõãka! Irinorẽ ñeãbirikõãka!” ãrĩma. ĩgũsã irire irasũ ãrĩmakũ, ¿nasirirã ĩgũsã dorerire yujuri? ²² ĩgũsã doreri: i ãmũma pereburi, masaka ĩgũsã gũñarĩ merã bueri ããrã. Irasiro wajamãa. ²³ ĩgũsã dorerire irirã: “Marĩpũyare õãrõ masĩrĩ merã ĩgũrẽ bũremurã yãa”, ãrĩ gũñadima. ĩgũsã dupure ñerõ tarimakũ irirã, “Goepeyari merã Marĩpũre bũremurã yãa”, ãrĩ gũñadima. ĩgũsã dorerire irirã, masaka péurogue: “Gajerã nemorõ ããrĩbea”, ãrĩ weregorenakererã, diayemarẽ irirã irirosũ iriadima. ĩgũsã dorerire irikererã, ĩgũsã ñerĩ ãaribejarire piribema. Irasiro ĩgũsã doreri wajamãa.

3

¹ Marĩpu Cristore boadiguere masũderosũta mũsãdere ĩgũ merã masũnerã irirosũ ããrĩmakũ iridi ããrĩmĩ õãrĩ gapure iriburo, ãrĩgũ. Irasirirã mũsã iro dupuyuro ñerĩ irideare piri, ãmũgasimarẽ Cristoyare gããmeka! Irogue Cristo ĩgũ Pagu diaye gapu doagu ããrĩpererãrẽ doregu ããrĩmi. ² Ñmũgasimarẽ gũñanĩka! I ãmũmarẽ

gũñaníbirikõãka! ³ Musã Cristoyarã ããrĩsĩã, ãgũ boaderosũta musãde ãgũ merã boanerã irirosũ waanerã ããrĩbũ. Irasirirã boanerã ñerĩrẽ neõ irinemomasĩmerã irirosũ musã iripoegue ñerõ iriunadeare piribũ. Daporare Cristo merã Marĩpũ pũrogue masaka ããberogue perebiri okari opamurã ããrã. ⁴ Irasirirã, Cristo marĩrẽ okari sãgũ i ãmũgue dupaturi aarimakũ, ãmũgasigue ãgũ gosewasiri ããrĩrõogue ãgũ merã waarãkoa.

Iro dupuyuro ñerĩ irideare pirika! ãrĩ gojadea

⁵ Irasirirã i ãmũma ñerĩ iririre pirikõãka! Neõ sugũ mojõsiabirikeregũ, nomeõ merã ããrĩbirikõãka! Neõ sugo mojõsiabirikerego, ãmũũ merã ããrĩbirikõãka! Ñerã seyaro ñerõ irirã irirosũ iribirikõãka! Ñerĩ ãaribejarire iribirikõãka! Gajinorẽ opadũarã, bũro gããmebirikõãka! Masaka Marĩpũre gããmerõ nemorõ gajino gapũre gããmerã, keori weadeare bũremurã irirosũ yãma. ⁶ Iri ñerĩrẽ irirã, Marĩpũ dorerire tarinũgãrã ããrĩma. Irasirigũ ãgũsãrẽ bũro wajamoãgũkumi. ⁷ Iripoeguere iri ñerĩrẽ irirã irirosũ musã ããrĩunanerã ããrĩbũ. ⁸ Dapora ããrĩpereri i ñerĩrẽ pirika! Guarire, sãtĩrĩrẽ, gajerãrẽ ñerõ gũñarĩrẽ, gajerãrẽ ñerõ kere werenĩrẽ, ñerĩ gũyasĩũrĩ werenĩrẽ pirikõãka! ⁹ Gãme ãrĩgatobirikõãka! Musã Cristoyarã ããrĩsĩã, musã ãgũyarã ããrĩburi dupuyurogue ããrĩrikũunaderosũ neõ ããrĩbea. Musã ñerĩ iririkũunadeare pirinerã ããrã. ¹⁰ Musã Cristoyarã ñajãmakũ, Marĩpũ musãrẽ maama ããrĩrikũrere opamakũ iridi ããrĩmĩ. Irasirigũ musãrẽ ãgũ õãgũ ããrĩrõõũ ããrĩmakũ yãmi. Musãrẽ ãgũrẽ õãrõ masĩnemoburo, ãrĩgũ, irasũ yãmi. ¹¹ Irasirirã marĩ

Cristoyarã äãrĩrã: judío masaka, judío masaka äãrĩmerãde, dupuma gasirogãrẽ wiirisũnerã, wiirisũbirinerãde, gaji nikũ marã, masĩmerãde, moãboerimasã, moãboerimasã äãrĩmerãde, Marĩpu ïũrõrẽ sũrosũ äãrã. Cristo marĩ äãrĩpererã Opu äãrĩmi. Irasirigu äãrĩpererã ïgũyarã merã äãrĩmi.

¹² Irasirirã musã Marĩpu beyenerã, õãrã, ïgũ maĩrã äãrĩrã äsũ äãrĩrikuka! Gajerãrẽ bopoñarĩ merã ïãka! ïgũsãrẽ õãrõ usuyari merã iritamuka! “Gajerã nemorõ äãrã”, ãrĩ gũñabirikõãka! Musãrẽ ñerõ irikererũũ, irasũ péñakõãka! Gũñaturaka!

¹³ Guari marĩrõ gajerãrẽ bopoñarĩ merã ïãka! Gajerã merã gãme turianerã, ïgũsã musãrẽ ñerõ irideare ïgũsãrẽ kãtika! Marĩ Opu musã ñerĩ irideare kãtidi äãrĩmi. ïgũ kãtiderosũta musãde musã merãmarã musãrẽ ñerõ irideare kãtika!

¹⁴ I doreri nemorõ musãrẽ: “Gajerãrẽ burõ maĩ buremuka!” ãrã. Musã irasirirã äãrĩpererã gajerã merã õãrõ äãrĩrãkoa. ¹⁵ Marĩpu marĩrẽ siuñajãrĩ merã äãrĩrikũmakũ yãmi. Irasirirã musã merãmarã merã õãrõ äãrĩka! Marĩ ïgũyarã su bumarãta äãrã. Marĩpu marĩrẽ irasũ äãrĩmurãrẽ pídi äãrĩmi. Irasirirã ïgũrẽ: “Õãã”, ãrĩ, usuyari sĩnikõãka!

¹⁶ Cristoya kerere gũñanikõãka, irire masĩnemomurã! Õãrõ pémasĩrĩ merã ïgũyare gajerãrẽ bueka! Goepeyari merã wereka, ïgũsãde ïgũyare õãrõ iriburo, ãrĩrã! Irasirirã Salmos wãĩkuri gojadea pũgue Marĩpũya bayarire, gaji ïgũrẽ buremurĩ bayarire ïgũrẽ bayapeoka! Õãrõ gũña buremurĩ merã bayapeoka! Irasirirã Marĩpũre: “Õãã”, ãrĩ, usuyari sĩka! ¹⁷ Marĩ Opu Jesús usuyaburosũta äãrĩpereri musã iririre,

ããrĩpereri musã werenĩrĩrẽ õãrõ yujupũrãkuri merã irika! Irasirirã, Jesús iritamurĩ merã Marĩpũre: “Õãa”, ãrĩ, usuyari sika!

Pablo Jesúre buremurãrẽ: “Ãsũ irika!” ãrĩ gojadea

¹⁸ Musã marãpũkũrã nome, Cristo marĩ Opũyarã nome ããrĩsĩã, musã marãpũsãmarãrẽ õãrõ yujuka! ¹⁹ Musã marãpokũrã, musã marãposã nomerẽ maĩ buremuka! Ìgũsãrẽ turibirikõãka! ²⁰ Musã Ìgũsã pũrãde ããrĩpereri musã pagusãmarã dorerire tarinũgãbirikõãka! Musã irasirimakũ, marĩ Opũ õãrõ usuyagukumi. ²¹ Musã Ìgũsã pagusãmarãde musã pũrãrẽ turi, Ìgũsãrẽ guamakũ iribirikõãka, bujawereri merã yujupũrãkuri, ãrĩrã! ²² Moãboerimasã, ããrĩpereri musã oparã i umũ marã dorerire yujuka! Ìgũsã Ìũrõrẽ, Ìgũsã Ìãberoguedere õãrõ moãka! Ìgũsã musãrẽ õãrõ gũñaburire Ìgũsã Ìũrõ direta õãrõ moãmakũ õãbea. Musã, marĩ Opũre gopeyari merã buremurã ããrĩsĩã, musã oparãdere õãrõ merã yujuka! ²³ ããrĩpereri musã iririre, õãrõ yujupũrãkuri merã irika! Masakare moãboekererã, diayeta marĩ Opũre Cristore moãboerã ããrã. Irasirirã musã oparãrẽ õãrõ moãboeka! Irasũ moãboerã, Cristore moãboerã irirosũ yãa. ²⁴ Musã irasirimakũ, Cristo musãrẽ wajarigukumi. Ìgũyarãrẽ: “Ãsũ sũgura”, ãrĩdeare musãrẽ sũgukumi. Musã irire masĩa. Musã marĩ Opũre Cristore moãboerã ããrã. Ìgũta musã Opũgora ããrĩmi. ²⁵ Marĩpũ ñerõ irirãrẽ Ìgũsã ñerõ iridea waja wajamoãgukumi. Ìgũsãrẽ ããrĩpererãrẽ

surosũ ããgũ, keoro wajamoãgũkumi. Neõ sugũ tariwerebirikumi.

4

¹ Mũsã oparã, mũsãrẽ moãboerimasãrẽ diayemarẽ irika! Ìgũsãrẽ õãrõ opaka! Ire mũsã masĩa. Mũsãde Opũ opáa. Mũsã Opũ ãmũgasigue ããrĩgũ Marĩpũ ããrĩmi.

² Ëmũrikũ õãrõ gũña pẽmasĩ, Marĩpũrẽ sërẽnikõãka! Ìgũrẽ: “Õãa”, ãrĩ, usuyari sĩka!

³ Marĩpũrẽ gũaya ããrĩburidere sërẽbosaka! Gũa Cristoya kerere iripoegue marã masĩbirideare gajerãrẽ buedũakoa. Irasirirã Marĩpũrẽ gũa ìgũsãrẽ iri kerere õãrõ bueburire sërẽbosaka! Yũ iri kerere wereri waja daporare peresugue ããrã. ⁴ Irasirigũ Marĩpũrẽ yaa ããrĩburire mũsã sërẽbosamakũ gããmea. Marĩpũrẽ ìgũ dorederosũta Cristoya kerere gajerãrẽ pẽmasĩma õãrõ yũ wereburire sërẽbosamakũ gããmea.

⁵ Jesúre bũremumerãrẽ pẽmasĩrĩ merã õãrõ irika! Ìgũsãrẽ ìgũyare wereka! Ìgũsã merã mũsã ããrĩõpã ìgũsãrẽ õãrõ irika, ìgũsãde Jesúre bũremuburo, ããrĩrã! ⁶ Gajerã merã weretamurã, õãrõ merã weretamuka! Õãrĩ direta werenĩka! Mũsã irasirirã gajerã ìgũsã Jesúyamarẽ mũsãrẽ sërẽñamakũ, õãrõ masĩrĩ merã yũjurãkoa ìgũsãrẽ.

Pablo õãdoretũnudea

⁷ Tíquico, marĩyagũ marĩ maĩgũ, Jesúre bũremugũ ããrĩmi. Ìgũ yũ ããrĩrikũrere mũsãrẽ weregũkumi. Marĩ Opũyare buegũ, yũ merã moãgũ ããrĩmi. Neõ iri moãrĩrẽ piribemi. ⁸ Mũsã pũrogue ìgũrẽ iriua, gũa ããrĩrikũrere masĩ, mũsãrẽ gũñatura,

usuyamakū iriburo, ārīgū. ⁹ Onésimo merā ĩgūrē iriua. ĩgūde Jesúyare neō piribemi. Musāya makām̄, marīyagu marī maīgū āārīmi. ĩgūsā pērā gua naásū waadeare āārīpererire wererākuma musārē.

¹⁰ Aristarco ȳ merām̄, ȳ merā peresugue āārīgū musārē oādoremi. Marcode oādoremi. ĩgū Bernabé paḡm̄ āārīmi. Musā p̄rogue ĩgū ejamakū, oārō merā ĩgūrē bokatīrīñēāka, ȳ musārē werederosūta! ¹¹ Jesús wāikuḡ, gajerā “Justo” wāiyedi musārē oādoremi. ĩgū, Marcos, Bernabé merā ȳre moātaturā āārīma. ĩsā urerāta gajerā judío masaka Jesúre b̄remurā watopeguere ȳre moātamura, masaka Marīp̄ ĩgūyarārē doreri kerere péburo, āārīrā. ĩgūsā ȳre iritamurī merā gūñatura, usuyāa. ¹² Epafras musāya makām̄de musārē oādoremi. ĩgū Cristoyagu ĩgūrē moāboegu āārīmi. Marīp̄re sērēgū, turaro musāya āārīburire sērēbosaníkōāmi. Marīp̄re oārō gūñaturaní, ĩgū gāāmerōsū iriburo, ārīgū, irasū sērēbosami. ¹³ ĩgū Marīp̄re musāya āārīburire turaro sērēbosamakū ĩāa. Laodicea marāya āārīburire, Hierápolis marāya āārīburidere turaro sērēbosami. ĩgū irasirimakū ĩāgū, musārē irire diaye werea. ¹⁴ Duturu Lucas, marī maīgū musārē oādoremi. Demade oādoremi.

¹⁵ Ōāburo marīyarā Laodicea marā. Ninfa wāikugode oāburo. Jesúre b̄remurā igoya wiigue nerērāde oāburo. ¹⁶ I pūrē ȳ gojadea pūrē musā nerērōgue bue ĩmu odo, Laodicea marādere iriuka, ĩgūsāde ĩgūsā nerērōgue bue ĩmuburo, āārīrā! Irasirirā ĩgūsārē gaji ȳ gojadea pūrē ñēārā, musāde iri pūrē bue ĩmuka! ¹⁷ Āsū ārīka Arquipore:

“Marĩ Opũ Jesúyagu mũ ããĩmakũ, mũrẽ ĩgũ moãĩrẽ pĩdi ããĩmĩ. Irasirigu irire õãrõ moãyuwarikũka!” ãĩka ĩgũrẽ!

¹⁸ Yũ Pablo, yaa mojõ merã ire gojáa: “Mũsãrẽ õãdorea”. Peresugue yũ ããĩrĩrẽ gũña, Marĩpũre yaa ããĩburire sãrẽbosaka! Õãrõ ããĩka mũsã! Marĩpũ mũsãrẽ õãrõ iritamuburo.

Iropãta ããrã.

Pablo

Marĩpuya Kerere Wereri Turi New Testament in Siriano

copyright © 2009 Wycliffe Bible Translators, Inc.

Language: Siriano

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Siriano

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files
dated 29 Jan 2022
1a0774e8-d152-5929-891b-95e0d2238786